



# CCRIS bermula

44 2015

“

CCRIS bukan satu hukuman,  
CCRIS mendisiplinkan dan mendidik peminjam agar lebih bertanggungjawab untuk membuat bayaran balik bagi pinjaman pendidikan generasi akan datang.

**PTPTN sedia berunding dengan anda**

**Komitmen Anda Membuat Bayaran Balik  
Amat Dihargai**



instaptptn



Perbadanan Tabung  
Pendidikan Tinggi Nasional  
(PTPTN)

Pilihan Di Tangan Anda. Semakan  
Dan Pertanyaan :

**[www.ptptn.gov.my](http://www.ptptn.gov.my)  
03 - 2080 4455**

1. CCRIS ialah sistem yang mengumpul maklumat mengenai individu yang mengambil pinjaman daripada institusi kewangan dan membekalkan semula maklumat tersebut kepada institusi kewangan.
2. Maklumat ini digunakan sebagai salah satu sumber oleh institusi kewangan untuk membentuk pandangan mengenai sejarah kredit peminjam sedia ada atau bakal peminjam mereka.

## Apa itu CCRIS

Setahu saya, bank akan rujuk laporan CCRIS sebelum nak luluskan pinjaman. Pasti rekod bayaran kamu pada pinjaman lain ada tunggakan. Sebab itu, permohonan kamu tidak lulus.

Saya nak beli kereta, tapi pinjaman tidak diluluskan.

## Mengawal keberhutangan isi rumah

Baguslah begitu. Kamu kan dah banyak pinjaman, kenapa nak tambahkan beban lagi. Cukuplah dengan pinjaman sedia ada tu. Nanti nak sara hidup pun tak cukup.

Saya baru mohon pinjaman peribadi, tetapi ditolak sebab laporan CCRIS saya tidak baik.

1. CCRIS dapat mengawal hutang isi rumah.
2. Dengan CCRIS individu akan mengawal perbelanjaan hutang mengikut kemampuan.
3. Ini mengelakkan individu mempunyai masalah kewangan dan beban hutang yang tinggi.

## Prestasi bayaran balik pinjaman PTPTN

CCRIS dilaksanakan bukan untuk menyusahkan peminjam, tetapi untuk mendisiplinkan peminjam.

Betul tu. Dengan pelaksanaan CCRIS, peminjam akan lebih bertanggungjawab membayar semula pinjaman mereka.

1. Sehingga 30 September 2014, jumlah patut bayar : 1.56 juta peminjam melibatkan RM11.99 bilion.
2. Jumlah telah buat bayaran : 996,610 peminjam melibatkan jumlah kutipan sebanyak RM 5.42 bilion.
3. Jumlah belum membuat bayaran balik: 558,475 peminjam melibatkan tunggakan bayaran balik sebanyak RM4.3 bilion.

1. PTPTN telah mengambil pelbagai tindakan dan memberi peluang kepada peminjam untuk membuat bayaran balik pinjaman termasuk bagi mereka yang kurang berkemampuan. Bagaimanapun, masih terdapat segelintir peminjam yang culas dan gagal untuk membuat bayaran balik.
2. CCRIS diharap dapat menyedarkan dan mendidik peminjam, khususnya peminjam yang tidak pernah membuat bayaran balik melebihi tempoh 3-10 tahun (1999-2010) untuk membuat bayaran balik.

## Mendidik peminjam

Saya dah semak, nama saya dah ada dalam CCRIS la. Menyesal betul tak bayar PTPTN.

Tu la awak, tiap-tiap bulan asyik berbelanja besar je, tapi PTPTN RM50 pun awak tak bayar.

## CCRIS bukan hukuman

Pelaksanaan CCRIS ke atas peminjam oleh PTPTN bukanlah suatu hukuman.

1. Ia untuk memberi keadilan kepada pihak-pihak lain termasuklah peminjam yang telah membuat bayaran balik dan generasi akan datang yang bakal menikmati pinjaman pendidikan ini nanti.
2. Jumlah pinjaman pendidikan kepada bakal pelajar baharu terpaksa dikurangkan jika jumlah kutipan bayaran balik mengalami kemerosotan ATAU mengurangkan jumlah pelajar yang diluluskan pinjaman.

Itu la kesannya bila peminjam terdahulu tidak membayar balik pinjaman mereka. Akhirnya, peminjam baru yang jadi mangsa keadaan sebab dana PTPTN tidak mencukupi.

Kasihlah adik saya. Dia tak dapat pinjaman penuh. Ibu bapa saya pula bukan orang senang, ramai lagi adik beradik masih bersekolah.

## Penstrukturan semula

Nama saya dah masuk CCRIS. Macam mana ni? Saya tak mampu nak bayar bulan-bulan ikut jadual tu. Saya banyak komitmen lain.

Eh, jangan risau. PTPTN sentiasa bertimbang rasa dengan peminjam. Awak boleh memohon untuk penstrukturan semula.

1. Jika tidak mampu membuat bayaran mengikut Jadual Bayaran Balik (JBB) yang ditetapkan, peminjam boleh memohon penstrukturan semula hutang dengan jumlah bulanan yang lebih rendah.
2. Tempoh bayaran balik boleh dipanjangkan tertakluk kepada umur maksimum peminjam sehingga mencapai 60 tahun.